

آبونه بدلي

برسنه لک الی ایکی نسخہ سی پوسته
اجرتیہ ریزر بروجه پیشین ۴۵
غروش، استانبول ایچون اداره منگ
تہ دن آلتی اوزره ۲۰ غروشہ درہ

نسخہ سی ۲۰ پارہ در

ادارہ خانہ سی

باب عالی جادہ سندھ قصاب کتبخانہ
سیدر، رسالہ بہ متعلق کافی مشہور
لیت و خصوصات ایچون (قصاب
کتبخانہ سنہ) مراجعت اولونور.

نسخہ سی ۲۰ پارہ در

معارف

پنچشنبہ کونلری نشر اولونور فنی و ادبی رسالہ

افادہ مخصوصہ

ادیب شهرت شعار اسماعیل صفا بك
افنديك صحتنه عارض اولان انحرافدن
دولايي موقتاً يازى ايله اشتغالى
ترك ايتسى حسييله رساله من حقنده كي
رغبات قديمه نك كوندن كونه تدني به
باشلامسى اوزرينه، بونك تحت انتظامه
ادخالى ايچون لازم گلن تدابيرہ توسل
ايديله جگي برقاج هفته اول يازديغمز افادہ
مخصوصه ده قويا وعد اولنش ايكن هيئت
تحريريه نك لايقييله تأسس ايده مامسند ناشي
اليوم اصلاحات موعوده نك اجر اسنه تشبث

ايديله مامشدى. اشته بودفعه رساله منرك
رياست تحريريه سي توجه عمومى به مظهر
اولش برذاتك عهدہ لياقته توديع اولنديغى
گي ادبای حاضرہ دن برچوخنك معاونت
قليہ سنہ دخى عرض احتياج ايديله رك
جمله سندن جواب موافقت آلتش اولديغندن
گله جك نسخہ دن اعتباراً وعد منرى انجامزه
موفق اوله جغمز مأمولدر.

بناءً عليه نسخ آتیه دن برقاجى نشر
اولمادن شو ورقبارہ ناچيزك دست رغبتدن
دوشورلمسى البته موافق انصاف اوله ماز.
والله الموفق.